



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KT 0211607 26

Sarajevo, 22. septembar 2026. godine

PRITVOR

OPĆINSKI SUD U SARAJEVU
Sudiji za prethodno saslušanje

Na osnovu člana 45 stav (2) tačka i) i člana 241 stav (1) Zakona o krivičnom postupku Federacije BiH, podižem:

O P T U Ž N I C U

Protiv:

NERMIN HUSEINI, rođen 1987.godine, nastanjen u ulici, matični broj:, po narodnosti Albanac, državljanin BiH i Republike Sjeverna Makedonija, pismen, završio srednju ugostiteljsku školu, po zanimanju kuhar, zaposlen u ugostiteljskom objektu "Sova", ulica Aščiluk broj 9. općina Stari Grad, Sarajevo, oženjen, otac dvoje malodobne djece, lošeg imovnog stanja (*po izjavi*), neosuđivan, ne vodi se postupak za drugo krivično djelo; **nalazi se u pritvoru po Rješenju Općinskog suda u Sarajevu od 30.07.2026.godine u trajanju od 2 (dva) mjeseca, koji po ovom rješenju može trajati do 30.09.2026.godine ili do nove odluke suda.**

Što je:

1. Od neutvrđenog dana pa do dana 01. jula 2026.godine, u ulici broj općina Novi Grad, u Sarajevu, u stanu koji je koristio, svjestan da je proizvodnja, nabavljanje, držanje radi prodaje opojne droge zabranjeno, a što je i htio, s ciljem da za sebe pribavi protupravnu imovinsku korist, protivno članu 4 stav (1), članu 19. stav (1) i članu 20. stav (1) Zakona o sprečavanju i suzbijanju zloupotrebe opojnih droga Bosne i Hercegovine (Službeni glasnik BiH broj: 8/06), od njemu poznatih osoba, radi neovlaštene proizvodnje opojne droge namijenjene za dalju prodaju, nabavio sjeme biljne vrste Cannabis, kao i repomaterijal za uzgoj i proizvodnju opojne droge Cannabis, koju opremu za uzgoj je instalirao u stanu koji je koristio u ove namjene, na način da je instalirao ukupno 3 (tri) tzv "indoor" laboratorije za uzgoj i proizvodnju biljne vrste Cannabis Sativa L, i to jednu "indoor" laboratoriju koja se sastojala od 84 stabiljke biljne vrste Cannabis Sativa L, visine od 40 do 60 cm, jedno rasvjetno tijelo sa transformatorom, jedan ventilator marke "Master", jedno rasvjetno tijelo marke "Dim lux ekspert" sa napojnim kablom, zatim jednu "indoor" laboratoriju za uzgoj biljne vrste Cannabis Sativa L u kontrolisanim uvjetima, koja se sastojala od tri tzv "inkubatora, i to tri plastične kutije sa poklopcem u kojima se nalazilo ukupno 113 stabljika biljne vrste Cannabis Sativa L, visine oko 10 cm, dva rasvjetna tijela sa pripadajućim kablom, kao i jednu "indoor" laboratoriju za uzgoj i proizvodnju biljne vrste Cannabis Sativa L koja se sastojala od 69 stabljika biljne vrste Cannabis Sativa L visine oko 60 cm, jedno rasvjetno tijelo sa napojnim kablom i transpofmatorom, jedan filter za pročišćavanje zraka, jednu crnu vreću u kojoj se nalazio pvc šator, osam pvc saksija, jednu pvc kantu, jedno aluminijsko fleksibilno crijevo i jedan termometar bijele boje, a koja materija, i to Cannabis se nalazi pod tačkom 13. na Listi opojnih droga u Tabeli I Zabranjene tvari i biljke Zakona o sprečavanju i suzbijanju zloupotrebe opojnih droga i kao takva je proglašena opojnom drogom.

Dakle, neovlašteno proizvodio, radi prodaje kupovao i radi dalje prodaje držao materije propisom proglašene opojnim drogama.

2. Od neutvrđenog dana pa do dana 10. jula 2026.godine, u ulici općina Novo Sarajevo, u Sarajevu, svjestan da je proizvodnja, nabavljanje, držanje radi prodaje opojne droge zabranjeno, a što je i htio, s ciljem da za sebe pribavi protupravnu imovinsku korist, protivno članu 4 stav (1), članu 19. stav (1) i članu 20. stav (1) Zakona o sprečavanju i suzbijanju zloupotrebe opojnih droga Bosne i Hercegovine (Službeni glasnik BiH broj: 8/06), od njemu poznatih osoba, radi neovlaštene proizvodnje opojne droge namjenjene za dalju prodaju, nabavio sjeme biljne vrste Cannabis, kao i repomaterijal za uzgoj i proizvodnju opojne droge Cannabis, koju opremu za uzgoj je instalirao u stanu koji je koristio u ove namjene, na način da je instalirao ukupno 2 (dvije) tzv "indoor" laboratorije za uzgoj i proizvodnju biljne vrste Cannabis Sativa L, i to jednu laboratoriju koja se sastojala od 83 stabiljke biljne vrste Cannabis Sativa L, visine oko 60 cm, jedno rasvjetno tijelo serijskog broja, jedan alu šator sa metalnom konstrukcijom koja se sastojala od 29 metalnih cijevi koje čine konstrukciju šatora, jednu cijev-ventilator marke Max-Fan pro, zatim jednu laboratoriju koja se sastojala od 71 stabiljke biljne vrste Cannabis Sativa L visine oko 70 cm, jedan ventilator bijele boje marke Vox, jedno rasvjetno tijelo serijskog broja, jedan produžni kabal, zatim jednu plavu pvc kesu kojoj se nalazio jedan alu šator sa metalnom konstrukcijom i jedan termometar bijele boje, a u kojem stanu je radi dalje prodaje držao i jednu papirnu kesu žute boje sa natpisom Glovo u kojoj se nalazila opojna droga Cannabis neto mase 113,42 grama i jednu pvc vrećicu u kojoj se nalazila opojna droga Cannabis neto mase 5,41 grama, a koja materija, i to Cannabis se nalazi pod tačkom 13. na Listi opojnih droga u Tabeli I Zabranjene tvari i biljke Zakona o sprečavanju i suzbijanju zloupotrebe opojnih droga i kao takva je proglašena opojnom drogom, kao i novac, i to 16 novčanica u apoenu od 50 eura, a što je sve pronađeno od strane policijskih službenika MUP KS prilikom realizacije radnje pretresa po Naredbi Općinskog suda u Sarajevu broj od 09.07.2026.godine.

Dakle, neovlašteno proizvodio, radi prodaje kupovao i radi dalje prodaje držao materije propisom proglašene opojnim drogama.

Čime bi počinio krivično djelo Neovlaštena proizvodnja i stavljanje u promet opojnih droga iz člana 238 stav (1) Krivičnog zakona Federacije BiH u vezi sa članom 55 istog Zakona.

.....

V Na osnovu člana 145 stav (2) i člana 242 stav (3) Zakona o krivičnom postupku Federacije BiH, Kantonalno tužilaštvo Kantona Sarajevo, podnosi prijedlog da se prema Huseini Nerminu sukladno članu **146 stav (1) tačka c)** Zakona o krivičnom postupku Federacije BiH produži mjera pritvora nakon potvrđivanja optužnice.

KANTONALNI TUŽILAC